



Sist von nötten zu wissen / eyn fürgebene lini sie sey lang oder kurz / in drey gleiche theyl zu teylen / Dem thū also / die fürgebē lini sey. a.b. die sez vnden auff ein zwerch lini. c.d. Darnach nyml mit einem zirckel mynder dann die halbleng / von der aufrechten. a.b. vñ sez den zirckel mit dem ein fuß / auff die zwerch lini / c.d. neben die lini / a.b / vnd miß damit. z. leng auffrechte vbersich / vnd zeich ein gerade lini dardurch / also das sie paralel sey gegen. a.b / Diese lini sey oben. e.vn. den. f. vnd die zween mittel puncten so die / z. gleiche felt machen / die bezeichnen mit zyffern / 1/2 / Darnach zeich von de end / e / ein gerade ort lini herab auff das end. a / vnd fort hynauß byß auff die zwerch lini / c.d / vnnnd wo sie anruft sez eyn g / Darnach zeich auf dem puncten / g / zwu gerad ortlinien in die puncten / 1/2 / so wirdet die lini / a.b / von dem durchschneiden der ort lini / die iz gehogen sind in / z / gleiche felt geteilt. Noch ein andre meinung / ein lini in / z / gleiche theil zu teylen mach vier zwerch barlinien mit zyffern / 1/2/3/4 in gleicher weyten obeynander / Darnach nyml dein fürgenüme lini oben. a. vnden b. vñlein sie mit dem ein end / a / oben an die zwerch lini / 1 / vnd vnden mit dem end. b. an die zwerchen. 4. so teylen die mittlern zwu zwerchlini. 2. z. die lini. a.b. in drey gleiche theyl wie ich das hie vnden auch hab aufgerissen. Item ehe ich weytter kome will ich vor eyn lini recht in der mitt von einander lere theylen. vnd das also / Die fürgegeben lini / sey vber zwerch. a.b. nun nyml ein zirckel sez in mit dem ein fuß in den puncten. a. vnd den andern fuß in den puncten. b. vnd reiß vondann vndersich vnd vbersich / so weyt du des bedarfst / Darnach laß den ein fuß des zirckels still sten / in den puncten. b. vnd reiß mit de m andern fuß auf dem puncten. a. krum vbersich vnd vndersich / Wo dann dise zween zirckels ryß sich schliessen / da sez oben ein. c / vnd vnden ein. d / Darnach reiß ein gerade lini. c/d. die schneidet. a. b. in der mit von einander / da sez ein / e. Item wer ein gerade lini auff ein zirckeltrum will sezen / der thūe im zugleicher weiz / wie oben angezeigt ist / laß das zirckeltrum. a.b. seyn / vnd die gerade lini. c/d. auch soll man in ein holl zirckeltrum / so man des bedarf / der obgemelten meinung nach / ein aufrechte lini sezen / Solch beyde weg hab ich hieunden aufgerissen / vnd bey dem holen zirckeltrum hab ich in der aufrechten. c,d. da sie durchschneydt ein. f. gesetzt.